



INES DIAZ DE VILAFRANCA ARZAMENDI, Zarauzko Udaleko idazkaria naizen honek

ZIURTATZEN DUT: 2019ko ekainaren 20an alkate jaunak honako DEKRETU hau (0773 zk.) erabaki duela:

“Ondoko aginduek eskurantza batzuk ematen dizkiote Alkatetzari:

- Apirilaren 2ko 7/1985 Legeak, Toki-araubidearen oinarriak arautzen dituenak (bai apirilaren 21eko 11/1999 Legeak bai tokiko gobernuaren eraberritzeko neurriei buruzko abenduaren 16ko 57/2003 Legeak aldatutakoa), 21.3 eta 23.4 artikuluetan.
- Azaroaren 28ko 2568/1986 Errege Dekretuak, Toki-erakundeen Antolamendu, Funtzionamendu eta Araubide Juridikoaren Erregelamendua onartzen duenak, 43.1 eta 43.2 artikuluetan.
- Urriaren 1eko 40/2015 Legeak, Sektore Publikoaren Araubide Juridikoarenak, 9. artikuluan eta hurrengoetan.

Eskurantza horiek erabilia, honako hau

### ERABAKITZEN DUT

**Lehena.**- Tokiko Gobernu Batzarrari honako eskumen hauek eskuordetzea (aipatutako Legean alkateari esleitzen zaizkio):

#### 1.- HIRIGINTZA

- a) Eraikuntza berriak egiteko eta lehendik dauden eraikuntzetan berrikuntza handiak egiteko lizentziak ematea, eta horiek gauzatzeko proiektuak onartzea (21.1.q artikulua), zergen ondorioetarako aurrekontu likidagarria 200.000,00 eurokoa edo gehiagokoa denean.
- b) Eraikuntzetako lehen erabilerako lizentziak ematea (21.1.q artikulua), baldin eta obra-lizentzia Tokiko Gobernu Batzarrak eman badu.
- c) Aurri-espeditenteak erabakitzea (21.1.s artikulua).
- d) Hirigintza-kudeaketarako tresnak (birpartzelazio-proiektuak, urbanizatzeko jarduketa programak eta gainerako hitzarmenak) eta urbanizazio-proiektuak onartzea (21.1.j artikulua).
- e) Hirigintza-ordenamenduko planei eta hitzarmenei hasierako eta behin-behineko onespena ematea, baldin eta behin betiko onespeneren eskumena Udaltzarrarena bada (21.1.j artikulua).
- f) Hirigintzako arau-hauste larri eta oso larrien ondoriozko zigorrak (Hirigintza-diziplinaren Arautegiko 51. artikulua eta ondorengoak).
- g) Ingurumena: Zarata mapak eta ekintza planak onartzea (213/2012 Dekretuaren 18. eta 19. Artikuluak); Klima-aldaketaren aurkako ekintza-planak onartzea, Udaltzaren eskumena ez denean.

## 2.- GIZA BALIABIDEAK

- a) Lan eskaintza publikoa onartzea, Udalbatzarrak onartutako aurrekontuaren eta plantillaren arabera (21.1.g artikulua).
- b) Langileak hautatzeko eta lanpostuak betetzeko lehiaketetarako oinarriak onartzea (21.1.g artikulua).
- c) Diziplina-espeditenteak erabakitzea (21.1.h artikulua).

## 3.- KONTRATAZIOA

- a) Edonolako kontratazioak eta emakidak egitea, baldin eta baliabide arrunten % 5etik % 10era bitartekoak badira (21.1.ñ artikulua)
- b) Obra-proiektuak eta zerbitzu-proiektuak onartzea, baldin eta horiek kontratatzeko edo esleitzeko eskumena badu eta aurrekontuan aurreikusita badaude (21.1.o artikulua).

## 4. DIRU-LAGUNTZAK ETA LAGUNTZAK

Eskaeren arteko lehia bidez laguntzak eta diru-laguntzak emateko deialdia onartzea, bai eta horiek erabakitzea ere.

Honako hauek eskuordetzearen esparrutik kanpo daude eta, beraz, Alkatetzaren esku geratzen dira: alde batetik, azaroaren 17ko 38/2003 Lege Orokorrak, diru-laguntzei buruzkoak, 22.2 artikuluan aurreikusten duen zuzeneko laguntza eta diru-laguntza oro, eta horien ondorengo formalizazio-hitzarmenak sinatzea; eta, bestetik, gizarte-larrialdiko planen, banan banako laguntza planen eta abarren arabera baimentzen diren gizarte arloko laguntzak.

## 5.- GASTUAK

Bere eskumeneko arloan obligazioak aitortzea, baliabide arrunten % 5etik % 10era bitartean (21.1.f artikulua).

## 6.- ONDASUNAK

Ondasunak eta eskubideak erostea, eta ondarea besterentzea, horien balioa baliabide arrunten % 5etik % 10era bitartean dagoenean (21.1.p artikulua).

Bere eskumeneko arloan udal jabetzako ondasunak doan erabiltzen lagatzeko erabakiak hartzea (21.1.s artikulua), baldin eta iraupena urtebetekoa edo gehiagokoa bada.

## 7.- LANKIDETZA-HITZARMENAK

Beste administrazio batzuekin eta beste pertsona fisiko edo juridiko batzuekin lankidetzahitzarmenak onartzea, lege hauen aplikazio-eremutik kanpo geratzen direnean: a) Sektore Publikoko Kontratuen Legearen Testu Bategina (azaroaren 14ko 23/2011 Legegintzako Errege Dekretu bide onartutakoa); b) 17ko 38/2003 Lege Orokorra, diru-laguntzei buruzkoa, eta hori garatzeko arauak (21.1.s artikulua).

**Bigarrena.-** Zirkunstantzia hori berariaz adieraziko da eskuordetzaren xede diren gaiei buruz Tokiko Gobernu Batzarrak hartzen dituen erabakietan, eta eskuordetu gabeko gaiei buruz organo eskuordetza-emaile honek hartzen dituen ebazpenen balio bera izango dute erabaki horiek



**Hirugarrena.-** Eskuordetzak oraingo Udalbatzaren agintaldian izango du eragina. Dena den, epealdi hori amaitu aurretik eta baldintza formalak aurrez bete ondoren, eskuordetza aldatu edo baliogabetu ahal izango da.

**Laugarrena.-** Dekretu hau Tokiko Gobernu Batzarrari helaraztea. Udalbatzarrari honen berri ematea, hark egiten duen lehenengo osoko bilkuran; eta, laburtuta, Gipuzkoako Aldizkari Ofizialean eta udaletzeko iragarki-taulan argitaratzea.

**Bosgarrena.-** Dekretu hau Alkatetzaren ebazpen-liburuan transkribatuko da, eta hurrengo egunetik aurrera izango du eragina."

*Hala jasota gera dadin eta dagokion lekuan eragina izan dezan, ziurtagiri hau egin eta sinatzen dut, alkate jaunak ontzat emanda, Zarautzen 2019ko ekainaren 20an.*

OE  
Alkatea

Idazkaria

